

佛使比丘迦旃延說法沒盡偈經

佛治身經

失譯人名今附西晉錄

佛言當學工語不沙門法行獨一處坐但當
正意一處一卧一行不中正一為曉身受經
亦獨居還使千人一人勝千軍中人能得勝

餘勝已勝身常為勝無力亦不勝摩訶藍亦
不能已勝不能作不勝比丘勝乃不勝先為
自身定政教後教餘為諸輩如我自身上頭
隨法行便教餘人如是易教已身如是如教
他人已得身教意不復難教餘欲教餘先自
教還使自教從身教得黠為自身他故教多
人亦莫犯無有極自身為自念無有極自歸
無有過身自歸不如自歸諦教身已黠得歸
已黠便得法已黠便得戒已黠昆弟中不復
憂已黠便得樂已黠不復憂自身自歸身亦

得歸他人已身無有極教一切從苦得脫問
 曰何等為工語師曰說三十七品經為工語
 謂所說不亂人意亦為工語何等為法行謂
 不離二百五十戒是為法行何等為一為曉
 身謂知分別身中事何等為軍中人能得勝
 謂人不能勝疑九惡何等為一人能勝身疑四謂意念
 惡能自制斷是為勝身何等為身意教謂身
 受七戒意受三戒何等為多人亦不犯謂等
 心使人不墮結

佛治身經

治意經

夫譯人名今附西晉錄

佛言安般守意具行如法已欲次第學如佛
 說為在天下得明如陰解月出立身之意立
 坐卧亦爾已比丘立意如是前後會有所益
 已前後有所益使不復見恠意已止意亦守
 六衰常守莫中止便知無為身若一切有意
 常守身止不願亦不願有亦不疑有亦不疑
 無有次第行在所疑便蚤得度生死若警意
 知定喜淨時時法觀能得度老病如是可病